



Universitätsbibliothek Paderborn

**Vita Ioannis Berchmanni Flandro-Belgæ Religiosi
Societatis Iesv**

Cepari, Virgilio

Antverpiæ, 1630

Mortis suæ instantis indicium capit ex sententiâ subscriptâ icunculæ
Sancti tutelaris, quam in menstruâ suffragiorum distributione sortitò
obtinuit.

[urn:nbn:de:hbz:466:1-46083](#)

Placuit tandem clementissimo Numini tam sanctis annuere desiderijs , simulq; quid illi futurū breuī esset clariū indicare. Siquidem pridie Kalendas Augustas (qui Festus est S. IGNATIUS Fundatori nostro dies) cùm in Collegio Romano singulis sortitò tribueretur icuncula futuri per sequentem Augustum Præsidis sui tutelaris ; exiit Ioanni fors, hisce Seruatoris apud Mariam verbis sub ione scripta: *Videte, vigilate, & orate, nescitis enim quando tempus sit.* Haud surdis auribus id monitum sagacissimus Iuuenis exceptit certissimi instar indicij diuinitus sibi facti, de Dei se breuī euocaturi voluntate. Nec temperauit lætitiae suæ, quin protinus aperiret suo Philosophiæ Professori , alijsque nonnullis, quos certior mox confirmauit euentus, cùm quinque post dies æger, octauo deinde est extinctus, vt deinde intelligetur. Indicandum hic quasi per transennam duxi , Ioannem tum fuisse natum annos XXII. de quibus vix integros quinque egerat in Societate . Iam vitæ telam ordienti, præcisa abruptaque prius vita est , quam ad stabilimentum peruenisset ætatis , iuueni propior quam viro. Vixdum primas Religiosi tyronis lineas adumbrando, rudem aliquam communis vitæ obseruantæque imaginem inchoauerat. Si verò telæ incepitæ specimen egregium adeò admirandumque

P. Frācisco
Piccolomi-
ni.

dumque visum fuit; qualem futuram fuisse
merito augurabimur, quam ille exorsam sta-
mine, tramaque suâ pertexere atque elabo-
rare potuisset? Si prima adumbratæ figuræ
lineamenta adeò arridebant; quam non spi-
rasset vitam, coloribus ab eo viuis absoluta
imago? Si oculos rapiebat rudis festinatæ sta-
tuæ formatio; quantum conciliasset stuporis
simulacrum per longam artem perpolitum?
Tamen tam angustis temporum spatijs hoc
ille nobis opus tam perfectè elaboratum reli-
quit, ut habeat quilibet nostrum quod meri-
tò ab eo se discere atque imitari fateatur,
Deum verò summis debeat laudibus cele-
brare.



L 5 PARS